



Në mbështetje të Nenit 4 dhe 23, të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-31, datë 25 maj 2016), Neni 7 dhe Neni 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet pjesërisht kërkesa e Universitetit të Mitrovicës "Isa Boletini", Nr.1476/18H, datë 31.10.2018 për riakreditim/akreditim të programeve të studimit:
 - Inxhinieri dhe Teknologji Ushqimore, MSc, 180 ECTS, dhe
 - Gjeoinformatikë, BSc, 180 ECTS.
- II. Ky vendim hyn në fuqi me nënshkrimin e tij.

Arsyetimi

Universitetit i Mitrovicës "Isa Boletini" (tash e tutje UA për Akreditim), ka parashtruar kërkesë (Nr.1476/18H, datë 31.10.2018) në Agjencinë e Kosovës për Akreditim për riakreditim dhe akreditim të programeve të studimit si në vijim: Teknologji, BSc, 180 ECTS; Teknologji, MSc, 120 ECTS; Inxhinieri dhe Teknologji Ushqimore, BSc, 180 ECTS; Inxhinieri dhe Teknologji Ushqimore, MSc, 120 ECTS; Vendburimet e lëndëve të para minerale, MSc, 120 ECTS; Xehetari, BSc, 180 ECTS; Xehetari, MSc, 120 ECTS; Inxhinieri Ekonomike, MSc, 120 ECTS; Biznes dhe Menaxhment, BSc, 180 ECTS; Biznes dhe Menaxhment, MSc, 120 ECTS, dhe Gjeoinformatikë, BSc, 180 ECTS.

Bazuar në pikën 1.2 të neni 10 të UA për Akreditim, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së", KShC erdhi në përfundim se programet e studimit; Inxhinieri dhe Teknologji Ushqimore, MSc, 180 ECTS dhe Gjeoinformatikë, BSc, 180 ECTS, nuk i plotësojnë kushtet ligjore për aprovim nga KShC.

Bazuar në nenin e referuar më lartë, KShC në mbledhjen e mbajtur me 15 dhe 16 janar 2019 ka trajtuar aplikacionin e dorëzuar nga ky Universiteti. Sipas të dhënave të prezantuara nga raporti përmbledhës për

programet me te cilat ka aplikuar ky institucion, dhe pas analizimit të detajuar të dokumentacionit të prezantuar nga ky institucion për stafin akademik, KShC aprovoi pjesërisht kërkesën për këtë aplikacion, dhe ne mungesë të stafit akademik të fushës së programit të studimit, ashtu siç parashihet me nenin 26, pika 5.3.4 e UA për Akreditim, dhe bazuar në nenin 10, pika 1.3.2, KShC mori vendim për refuzim të aprovimit të aplikacionit për programet e studimit si në vijim: Inxhinieri dhe Teknologji Ushqimore, BSc, 180 ECTS; Inxhinieri dhe Teknologji Ushqimore, MSc, 180 ECTS, dhe Gjeoinformatikë, BSc, 180 ECTS.

Bazuar në nenin 26, pika 5.3.4 e Udhëzimit Administrativ për Akreditim (15/2018, datë 28. 09. 2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Sipas nenit të referuar më sipër, KSHC ka verifikuar numri i stafit me gradën PhD dhe fusha e studimit të tyre. Këto të dhëna janë prezantuar në mbledhjen e KSHC-së të mbajtur me 15 dhe 16 janar 2019, dhe pas shqyrtimit të dosjes për secilin staf akademik, KShC mori vendim që ti refuzoj aprovimin e aplikacionit për dy programet e studimit të cekura në pikën një (1) në dispozitiv të këtij vendimi.

1. Për programin e studimit: *Inxhinieri dhe Teknologji Ushqimore, MSc, 180 ECTS*, si bartës të këtij programi Universiteti i Mitrovicës ka paraparë këta persona: Mehush Aliu (PhD në Shkenca Teknike), Milaim Sadiku (PhD në Shkenca Teknike).

Sipas paragrafit të fundit të nenit 26, pika 5.3.4 e Udhëzimit Administrativ për Akreditim, kërkohet që: *“për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.* Programi i studimit *Inxhinieri dhe Teknologji Ushqimore, MSc, ka 120 ECTS*, dhe rrjedhimisht duhet ti ketë të paktën dy PhD nga fusha e programit të studimit. Pas verifikimit të dokumentacionit të stafit akademik të prezantuar nga Universiteti i Mitrovicës për këtë program të studimit, u konstatua që nuk ka staf të mjaftueshëm dhe të kualifikuar për fushën e programit të studimit siç kërkohet në nenin 26, pika 5.3.4 e UA për Akreditim. Sipas emërtimit të këtij programi, shihet çartë se pjesë përbërës duhet të jetë të paktën një staf nga fusha e teknologjisë së ushqimit.

Bazuar në faktet e prezantuara dhe dispozitat ligjore të sqaruara me lartë, KShC vendosi që në mungesë të stafit të fushës së programit të studimit ta refuzoj aprovimin e aplikacionit për programet e studimit: *Inxhinieri dhe Teknologji Ushqimore, MSc, 180 ECTS*.

2. Për programin e studimit: *Gjeoinformatikë, BSc, 180 ECTS*, bartës të këtij programi Universiteti i Mitrovicës ka paraparë këta persona: Naser Peci, Ahmet Tmava, dhe Gani Maliqi.

Sipas paragrafit të fundit të nenit 26, pika 5.3.4 e Udhëzimit Administrativ për Akreditim, kërkohet që: *“për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.* Programi i studimit *Gjeoinformatikë, BSc, ka 180 ECTS*, dhe rrjedhimisht duhet ti ketë të paktën tre PhD nga fusha e programit të studimit. Pas verifikimit të dokumentacionit të stafit akademik të prezantuar nga Universiteti i Mitrovicës për këtë program të studimit, u konstatua që nuk ka staf të

mjaftueshëm dhe te kualifikuar për fushën e programit të studimit siç kërkohet në nenin 26, pika 5.3.4 e UA për Akreditim.


Sipas dokumentacionit të dorëzuar nga ky institucion, u konstatua si në vijim: Naser Peci është PhD në Fushën e Gjeologjisë, Ahmet Tmava është PhD në Fushën e Gjeologjisë, Gani Maliqi është PhD në Fushën e Gjeologjisë. Pas verifikimit të dokumentacionit të stafit akademik të prezantuar nga Universiteti i Mitrovicës për këtë program të studimit, u konstatua që nuk ka staf të mjaftueshëm dhe te kualifikuar për fushën e programit të studimit siç kërkohet në nenin 26, pika 5.3.4 e UA për Akreditim. Sipas emërimit të këtij programi, shihet çartë se pjesë përbërës duhet të jetë te paktën një staf nga fusha e informatikës.

Bazuar në faktet e prezantuara dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit ta refuzoj aprovimin e aplikacionit për programet e studimit: *Gjeoinformatikë, BSc, 180 ECTS*.

Këshillë juridike: Kundër këtij vendimi pala e pakënaqur mund të paraqes ankesë sipas Nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në Nenin 128 të LPPA, në afatin prej 30 nga dita kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Universitetit të Mitrovicës "Isa Boletini";
- MASHT-it; dhe
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

